

Adroddiad i'r:	Cabinet
Dyddiad y Cyfarfod:	16 Chwefror 2016
Aelod / Swyddog Arweiniol:	Y Cyngorydd Eryl Williams
Awdur yr Adroddiad:	Nicola Stubbins, Cyfarwyddwr Corfforaethol: Cymunedau
Teitl:	Cynnig i gau Ysgol Llanbedr Dyffryn Clwyd ar 31 Awst 2016 gyda'r disgyblion presennol yn trosglwyddo i Ysgol Borthyn, Rhuthun, yn dibynnu ar ddewis y rhieni

1. Am beth mae'r adroddiad yn sôn?

- 1.1. Mae'r adroddiad hwn yw rhoi gwybod i'r Cabinet am y broses i'w dilyn o ganlyniad i ddiwedd y cyfnod Rhybudd Statudol mewn perthynas â'r cynnig canlynol;

“Cynnig i gau Ysgol Llanbedr Dyffryn Clwyd ar 31 Awst 2016 gyda'r disgyblion presennol yn trosglwyddo i Ysgol Borthyn, Rhuthun, yn dibynnu ar ddewis y rhieni”

2. Beth yw'r rheswm dros lunio'r adroddiad hwn?

- 2.1. Wedi'r cyfnod Hysbysiad Statudol ddod i ben mae angen penderfyniad gan y Cabinet ynghylch a ddylid bwrw ymlaen i weithredu'r cynnig fel uchod.

3. Beth yw'r Argymhellion?

- 3.1. Yr argymhellion ar gyfer y Cabinet yw:-

- (i) Ystyried canfyddiadau'r adroddiad gwrthwynebiadau
- (ii) Yn amodol ar ystyried yr uchod, i gymeradwyo'r penderfyniad o gyhoeddi rhybudd statudol ar y cynnig i gau Ysgol Llanbedr ar 31 Awst 2014 a throsglwyddo'r disgyblion i Ysgol Borthyn, Rhuthun, yn dibynnu ar ddewis y rhieni.

4. Manylion yr Adroddiad

- 4.1. Cyhoeddodd y Cyngor hysbysiad statudol ar 10 Tachwedd 2015. Daeth y cyfnod statudol o 28 diwrnod i ben ar 7 Rhagfyr 2015.
- 4.2. Cyhoeddwyd yr hysbysiad statudol yn unol â gofynion y Cod Trefniadaeth Ysgolion (Ddeddf Safonau a Threfniadaeth {Cymru} 2013). Cyhoeddwyd y rhybudd ar wefan Cyngor Sir Ddinbych ac fe'i postiwyd ym mhrif fynedfeydd Ysgol Llanbedr DC ac Ysgol Borthyn fel yr ysgolion sy'n destun y cynnig. Mae pob ysgol hefyd wedi cael copi caled o'r rhybudd (dwyieithog) i'w ddsbarthu i ddisgyblion, rhieni, gofalwyr a gwarcheidwaid, aelodau staff a'r llywodraethwyr. Gall ysgolion hefyd ddsbarthu'r hysbysiad drwy e-bost.

- 4.3. Ar ddiwrnod y cyhoeddiad, cafodd yr ymgynghoreion statudol a restrwyd yn yr adroddiad gwrthwynebiad, naill ai gopi caled o'r hysbysiad neu cawsant e-bost gyda dolen i wefan Cyngor Sir Ddinbych.
- 4.4. Derbyniwyd cyfanswm o **964** o wrthwynebiadau yn ystod y cyfnod rhybudd statudol. Roedd 122 o gyflwyniadau naill ai'n llythyrau neu negeseuon e-bost, a 719 cyflwyniad pellach yn wrthwynebiadau templed a 123 arall yn gyflwyniadau dyblyg. Mae'r adroddiad gwrthwynebiad yn nodi'r gwrthwynebiadau a dderbyniwyd yn ôl math a gwrthwynebydd, fel a ganlyn;
- Atodiad Un: Yr Eglwys yng Nghymru, Esgobaeth Llanelwy
 - Atodiad Dau: Corff Llywodraethol Ysgol Llanbedr DC
 - Atodiad Tri: Llythyrau a negeseuon e-bost
 - Atodiad Pedwar: Cyflwyniadau Templed

Proses

- 4.5. Wrth benderfynu ar gynigion mae'r Cod Trefniadaeth Ysgolion yn datgan bod yn rhaid i'r rhai sy'n gwneud penderfyniadau:
- Ystyried a oes unrhyw gynigion cysylltiedig eraill;
 - sicrhau bod yr ymgynghoriad statudol wedi cael ei gynnal yn unol â'r Cod hwn;
<http://wales.gov.uk/topics/educationandskills/publications/guidance/school-organisation-code/?lang=en>
 - sicrhau bod y cynnig wedi cael ei gyhoeddi yn unol â'r Cod hwn a bod y rhybudd yn cynnwys yr holl wybodaeth ofynnol;
 - ystyried y ddogfen ymgynghori a'r adroddiad ymgynghori [Consultation Document and Formal Consultation Report](#)
 - ystyried y gwrthwynebiadau a'r adroddiad gwrthwynebiad ac unrhyw ymatebion i'r rhybudd sy'n cefnogi'r cynigion.
- 4.6. Dan adran 54 Deddf Safonau a Threfniadaeth Ysgolion (Cymru) 2013 lle mae cynigion wedi eu cymeradwyo neu eu gwrthod gan awdurdod lleol gall y cyrff canlynol, o fewn 28 diwrnod gyfeirio'r cynnig i'r Gweinidog yn Llywodraeth Cymru i'w ystyried;
- Awdurdodau lleol arall yr effeithir arnynt gan y cynigion;
 - Y corff crefyddol priodol ar gyfer unrhyw ysgol yr effeithir arni;
 - Corff Llywodraethol o ysgol wirfoddol neu ysgol sefydledig sy'n ddarostyngedig i'r cynigion;
 - Ymddiriedolaeth dal eiddo ar ran ysgol wirfoddol neu ysgol sefydledig sy'n ddarostyngedig i'r cynigion;
 - Sefydliad addysg bellach yr effeithir arno gan y cynigion
- 4.7. Mae'r Cod Trefniadaeth Ysgolion yn datgan yn glir "lle mae cynigion awdurdod lleol wedi derbyn gwrthwynebiadau, ac angen cael eu penderfynu o dan adran 53 Deddf 2013, ni ddylai'r awdurdod lleol wneud y penderfyniad ar y cynigion hyn gyda

meddwl caeedig. Rhaid ystyried gwrthwynebiadau yn gydwobodol ochr yn ochr â'r dadleuon o ran y cynigion ac yn wyneb y ffactorau a nodwyd yn adran 1.3 - 1.14 y Cod hwn."

- 4.8. Wrth ystyried y cais dylai'r Cabinet roi ystyriaeth i'r ffactorau a amlygwyd o fewn y Cod sy'n cynnwys ansawdd a safonau mewn addysg, yr angen am leoedd ac effaith ar hygyrchedd ysgolion, adnoddau ar gyfer addysg a goblygiadau ariannol eraill fel y nodwyd yn y Cod Trefniadaeth Ysgolion.
- 4.9. Yn ychwanegol, yn unol â Deddf 2013 mae'n ofynnol i'r Cabinet roi ystyriaeth lawn i'r gwrthwynebiadau a dderbyniwyd gan y gymuned i'r cynnig. Mae'r gwrthwynebiadau wedi cael eu crynhoi mewn Adroddiad Gwrthwynebiadau sy'n manylu ar y gwrthwynebiadau a dderbyniwyd ac ymateb yr awdurdod lleol i'r pryderon hyn.

5. Sut mae'r penderfyniad yn cyfrannu at y Blaenoriaethau Corfforaethol?

- 5.1. Mae'r cynnig yn cefnogi'r flaenoriaeth o "Wella perfformiad mewn addysg ac ansawdd ein hadeiladau ysgol" ac wedi'i amlygu fel ffrwd waith fel a ganlyn:

"Byddwn yn parhau i adolygu darpariaeth ysgol ar draws y Sir i sicrhau ein bod yn darparu'r nifer cywir o leoedd ysgol, a'u bod o'r math cywir, yn y lleoliad cywir."

6. Faint fydd hyn yn ei gostio a sut y bydd yn effeithio ar wasanaethau eraill?

- 6.1. Ni fydd y cynnig yn cael effaith ar wasanaethau eraill o fewn y sefydliad.
- 6.2. Pe bai'r argymhellion yn cael eu cymeradwyo, gallai costau cludiant gynyddu.

7. Beth yw prif gasgliadau'r Asesiad o Effaith ar Gydraddoldeb (AEC) a gynhaliwyd ar y penderfyniad? Dylai'r templed AEC wedi'i lenwi gael ei atodi fel atodiad i'r adroddiad.

- 7.1. Mae'r AEC a gynhaliwyd mewn perthynas â'r cynnig yn amlygu bod Ysgol Llanbedr yn ysgol gynradd yr Eglwys yng Nghymru. Os bydd y cynnig yn cael ei weithredu, byddai'r ddarpariaeth hon yn dod i ben yn ardal Llanbedr.
- 7.2. Byddai'r ysgol dderbyn arfaethedig, Ysgol Borthyn, yn ysgol o'r un dynodiad ffydd a fyddai'n caniatáu i ddisgyblion presennol o Ysgol Llanbedr i barhau i gael mynediad at ddarpariaeth sy'n seiliedig ar ffydd o'r un dynodiad a chyfrwng iaith (Saesneg). Mae darpariaeth bellach sy'n seiliedig ar ffydd ar gael o fewn ardal Rhuthun.

8. Pa ymgynghoriadau a gynhaliwyd gyda'r Pwyllgorau Archwilio ac eraill?

Mae ymgynghoriad llawn wedi ei gynnal gyda'r holl fudd-ddeiliaid a chyflwynwyd canfyddiadau'r cyfnod ymgynghori ffurfiol i'r Cabinet ar 27 Hydref 2015. Mae'r gwrthwynebiadau a gyflwynwyd yn ystod y cyfnod rhybudd statudol wedi eu crynhoi yn yr adroddiad gwrthwynebiad.

9. Datganiad y Prif Swyddog Cyllid

Mae'r oedi o ran gweithredu'r cynnig wedi arwain at bwysau sy'n cael ei ariannu o fewn yr adnoddau presennol ar gyfer 2015/16. Efallai y bydd angen ateb parhaol yn dibynnu ar ystyriaeth y Cabinet o ganlyniad y cyfnod Rhybudd Statudol a argymhellir yn yr adroddiad hwn. Bydd unrhyw gostau cludiant ychwanegol yn cael eu hystyried fel rhan o'r cyfrifiad cyffredinol o arbedion.

10. Pa risgiau sydd ac a oes unrhyw beth y gallwn ei wneud i'w lleihau?

Mae posibilrwydd cryf y gallai'r cynnig arwain at gyhoeddusrwydd anffafriol ar gyfer y Cyngor a sylwadau cyhoeddus andwyol. Er mwyn lleihau'r risg hon, bydd y Cyngor yn ceisio sicrhau cyfathrebu clir gyda'r holl fudd-ddeiliaid.

11. Pŵer i wneud y Penderfyniad

Deddf Safonau a Sefydliadau Ysgolion (Cymru) 2013
Fframwaith Bolisi Moderneiddio Addysg (cymeradwywyd gan y Cabinet ym mis Ionawr 2009)